


叢書集成續編

一九四

新文豐出版公司印行

叢書集成續編 第一九四冊目錄

文學類



文別集——清

太乙舟文集八卷·····	清	陳用光撰	清頌堂	一
西溪偶錄一卷·····	清	何彤文撰	南陵先哲	二三七
孟塗駢體文二卷·····	清	劉開撰	食舊堂	二八九
綠蘿山莊駢體文集十二卷附錄一卷·····	清	胡浚著	刻鵠齋	三三三
楞寮文續稿一卷·····	清	姚椿撰	邈園	五七一
汪孟慈文集一卷·····	清	汪喜孫撰	遼雅齋	五八七
瘦石文鈔外集二卷·····	清	孫鉞撰	古棠書屋	六二七
傳經室文集十卷賦鈔一卷·····	清	朱駿聲撰	求恕齋	六四一
韻蘭序一卷·····	清	梁紹壬撰	香豔	七四一
深柳堂文集一卷·····	清	沈登瀛著	適園	七四五

太乙舟文集

凡人立身有本古師友有淵源學力有佳法

國史家傳所不能備者讀其專集而可攷焉此集之所以足重者不僅因文筆之工也然文筆不

工則其集亦不傳外舅陳石公嘗詔寓藻曰

力宗漢儒不肯從朱覃溪師之承法也研精攷訂

澤以文章姬傳師之家法也下於二師之說無偏

執焉蓋夫子於訖嘉大儒若朱文正彭文勤錢宮

詹江右學者自蔣心餘魯山本諸輩以下皆濡

染浸漬遠有端緒而祈嚮所專則惟桐城姚先生

入乙升天 祁序二

是法實事求是議務持平不輕聽於漢宋之爭而

精思所詣其言自足為世法不規規於韓歐之貌

而真氣所薄其文皆有關係教視學浙江時疏

罷宋孫覲專祠天下頌其風烈而寓藻所尤服膺

者諫垣諸劄子也論以道口賊情形謂宜

諭將兵者廣召謀計之士與圖破賊不必專恃大

礮轟擊則有戎昭果毅之勇而無玉石俱焚之患

論邪教滋蔓之原則以為大興宛平之選吏未得

慎簡之方河南山東之察吏未得舉措之道言短

機要符於

廟算唯口決上營田三策一曰急興修堵決口之

工以工代賑一曰令地方官曉諭買田者募民耕

種耕田既可得食買田亦無廢土一曰依廢員効

力營田水利之法令太吏於因公註誤者責其分

段興修湍雪有路則人樂赴功復於廢員効力一

事更專疏論之於厚讀書漸致用也如夫子之論

豈非實可見諸施行還至而立有效者哉夫子曾

無城府矜賢趨士門無留客其翼進後學也諄諄

太乙升天 祁序二

款款因材曲誘挾一藝來者無不掄揚微至若不

容已於言所甄拔士但稍異俗學輒降抑祓濯不

復以籍湜相待故凡游夫子之門者莫不滿所欲

以去而飲和飫德其氣質且久而自變焉夫子於

甲戌春分校禮闈寓藻實出門下既復重之昏姻

妻以愛女後堂絲竹幸得與聞用於立身本末師

友淵原學力厓涖若皆有以窺見放佛今讀太乙

舟集證諸平昔聞見其氣善其語質不以髡衍之

辨鶩亂經義不以申韓之術周內人倫信乎仁義

之人其言藹如矣是集編定者梅伯言農部刻布
者黃右原比部也右原性資淳實風義尤切於師
門謂寓藻受夫子知愛深當弁言集首竊惟夫子
以癸巳春出使浙中越一年而寓藻奉諱家居比
夫子還

朝未期月旋歸道山寓藻尙未禪也積二十年師
恩摯眷瞻仰末由今乃效李漢之序昌黎是重足
悲已

賜進士出身光祿大夫戶部尙書 南書房行走

太乙升寓藻三

受業壻祁雋藻謹序

見其人而知其心人真者也見其文而知其人
文之真者也人有緩急剛柔之性而其文有動靜
陰陽之殊譬之查梨橘柚味不同而各符其名肖
其物猶芰葛冰炭也極其所長而皆見其短使一
物而兼眾物與眾味之長則名與味乖而救其短
則長不可以復見皆失其真者也失其真則人雖
接膝而不相知得其真雖千百世上其性情之剛
柔緩急之言語行事者可以坐而得之蓋文之
真偽其懸於人也固如此新城少宗伯陳公爲
古文學得于桐城姚姬傳先生扶植理道寬博樸
雅不爲刻深毛摯之狀而守純氣專至柔而不可
屈不爲熊羆之光絢爛之色而靜虛澹淡若近而
或遠若可執而不停蓋其德性粹正得之天而禪
其真于外者于文其大端也道光十五年秋公薨
人無知不知皆喟然曰古君子不存于今然公獨
其形質亡耳浩浩然隨流平進而不撓擻于升降
也家貧屢空而不戚戚于豐殖也見一善而亟下
之樂稱道之忘年位之尊與善之非在己也莊莊

乎不自枉以導人而不齟齬于岸崖也雖歿世後誦其文如見其生平言語行事嗟夫是豈可以僞爲之哉夫甲冠而乙戴之途人不能辨也至耳目也鼻口也雖親兄弟不能相爲貸故公之文世有疑爲異者而不惑不變以爲是天與之貌也昔方侍郎苞倡古文學于桐城性嚴簡能持高論文亦如之公與侍郎首務以文章義法詔後進于世毀譽未數數然也而性情異故文亦異焉其異也乃其所以爲真歟公之薨也子蘭第以遺令定文於

人乙卯文
梅序二

曾亮故謹序之昔嘗見語曰尊公太夫人遺事幸示余相爲作墓表也言諾猶在今乃序遺文于公其尤可痛也夫道光十七年三月上元梅曾亮敘

皇清誥授資政大夫禮部左侍郎陳公神道碑銘

宜興吳德旋撰

侯官林則徐書

公諱用光字碩士一字實思姓陳氏世居江西新城縣曾祖世爵候選州同知

贈資政大夫祖道乾隆戊辰科進士候選知縣

贈光祿大夫常以宋儒之學啟迪後進學者所稱

凝齋先生也父守詒河南陳州府知府

贈資政大夫陳州五子公次三幼有至性九歲喪

太乙舟文 神道碑一

母魯夫人家人每言及輒流涕庶母姚撫之慈甚喪其卒如所生少補邑弟子員翁學士方綱李侍郎璜爲學政皆器異之至京師尤爲朱文正彭文勤兩公所優許中嘉慶五年順天鄉試舉人六年成進士改庶吉士散館授編修十九年轉御史巡視西城以吏議回原衙門仍供職編修道光二年司業歷中允侍講庶子翰林院侍講學士詹事府詹事內閣學士兼禮部侍郎補禮部右侍郎署部右侍郎終禮部左侍郎嘗充

日講起居注官

文淵閣直閣事

國史館纂修總纂

文淵館纂修明鑑總纂兩爲會試同考官一爲順天鄉試同考官戊辰河南鄉試正考官乙酉江南試副考官提督福建學政浙江學政壬辰科會試覆試閱卷大臣試會試總裁公性和易不與人競然亦不喜顯立同異達官有期之喪公固無意往也人問之乃曰吾大誤竟忘往弔由侍講學士

太乙舟文 神道碑二

驟遷至內閣學士

上面諭曰我知汝能恬退故特用汝汝非有保舉人也乾隆嘉慶之際天下言文章者推桐城而江西新城亦最盛桐城姚郎中鼐公本師也然公幼學於舅氏同里魯進士仕驥故爲文兼取兩家法而澤之於詩書仁義則一而已詩初學鉛山蔣編修士銓後亦以姚郎中爲法故氣稍斂抑云公奉祿所入悉費於施予同年查訥勤夫婦相繼卒無子以其三女爲子婦而子其幼女擇顧侍郎臯之

子嫁之爲外舅舅氏及師姚郎中置祭田費或千金或數百金無靳惜故無一日不貧然未嘗或見其有憂貧之色公之先自凝齋先生以宋儒之學爲教陳州恪遵其說公幼時習聞之言動必循禮法然治經未嘗墨守宋儒門戶於禮記有刪改陳澹集說於四書有通義未定本於春秋則仿呂東萊讀詩記取諸儒先之說合於己例者順而摭之緣而成之名春秋屬辭會義斷手於襄公至臨殯時猶以此書未成爲憾嘗取近時人之嘉言懿行

太乙舟次 神道碑三

及關於掌故國聞者集爲衲被錄若干卷自爲詩文集若干卷公於爲文善上元管同宣城梅曾亮同曾亮皆嘗受古文法於姚郎中而同爲公典試江南所得士曾亮故年家子然公接之恒自降抑卽以德旋之淺陋顧嘗與公妄論詩古文利病公輒欣然聽之其能而不自矜如此公爲浙江學政時奏罷宋孫覲之專祠奉祀以黜邪佞而海寧祝貢士淦故凝齋先生友也其爲學由楊園張考夫以達於子朱子公訪得其詩文遺集刻之此足以

之志在正人心厚風俗而非徒以文章爲報之具矣娶魯夫人四子蘭瑞太學生蘭滋廣西思州知州蘭第戶部河南司候補郎中蘭豫甘肅高台縣縣丞女七人適魯應祐涂慕祁王輔舜王汝誠祁寯藻譚蘭祐曹祓孫三人大煥大慶大基曾孫一人曾璋公之卒以道光十五年八月十三日年六十八其明年某月日葬於某所梅郎中曾亮既誌而銘之矣德旋爲之文其碑而系以銘曰

太乙舟次 神道碑四

志矩爲學宗經爲文稽古必力卓然有聞久居史職三長無忝進貳秩宗在公屢勉務旣厥實不矜其聲謙謙致美撝而非鳴多賢之門韞此懿德顯詩刻碑昭示無極

道光十有七年歲次丁酉孟春之月吉日建

賜進士出身奉政大夫戶部郎中宣城梅曾亮撰
贈直學士光祿大夫光祿生道乾隆戊辰科進士

公諱用光字碩士江西新城人曾祖

贈資政公世襲生道乾隆戊辰科進士

贈光祿大夫光祿生守詒陳州府知府

贈資政大夫陳州生公兄弟五人公次三自陳州

公以上皆以名德尊重振匱濟貧於州里有恩公

加慶六年成進士授編修轉御史以部議同編修

供職歷官至禮部左侍郎階資政大夫公自少師

太乙舟文 墓誌銘一

魯進士仕驥好爲文章及壯師範學士肅以爲古

文詞必扶植理道緣經術爲義法宗舊儒不根而

高材生又奴主同異破碎大體學不朽行藝精道

荒慨然欲以文章道術自表見於歐陽文忠歸熙

甫有意乎其爲人也其爲御史甚暫然嘗建深遠

之論不趨避形勢摭摭細故自御史同編修益貧

其勸其出游公曰吾近臣矣又爲人客奈何嘗

貸於同年生至則賦詩奕棋盡日暮忘所事而

迺然於師友誼至篤以千五百金置兩師祭田而

通儒文士必忘分交友前後爲編修二十年始轉
司業司業例不與大考公語曾亮曰吾性好閱文
而拙於書莫宜是官不數年驟遷至閣學

上諭曰汝非有保舉人也朕知汝恬退進汝官嘗
充

日講起居注官

文淵閣直閣事

國史館文穎館及明鑑總纂以編修爲甲戌己卯

會試同考官己卯順天鄉試同考官戊辰河南鄉

太乙舟文 墓誌銘二

試正考官以侍講學士爲乙酉江南鄉試副考官

以閣學侍郎爲福建學政壬辰會試覆試閱卷大

臣武會試總裁浙江學政爲學政時以宋臣孫覿

擢忠助邪奏罷其專祀訓諸生必本古儒先警戒

之義道光十五年三月自浙江歸成復

命以禮部左侍郎供職適

上賜平定回疆圖公觴客敬觀樂甚未幾病夢陳

州公曰求藏木於家汝藥其半疾其逃逋曾亮聞

而傷曰病求木兆之棺矣疾篤

上賞假者再以八月十三日薨年六十八所著有
衲被錄太乙舟詩文集若干卷及春秋屬詞會義
若干卷未成配魯夫人四子蘭瑞國學生早卒蘭
滋上思州知州蘭第戶部候補郎中蘭豫高臺縣
縣丞孫三人曾孫一人女七人適魯適涂適祁適
譚適曹其二適皆王姓以道光十六年月日
葬公於新鄉某原公之孤蘭第來告曰知
公者莫如予率敬請銘其詞曰
公行高世

太乙舟文 墓誌銘三

帝遂其逢人巧人趨安安而通持古律衡
命觀五風貪賢利善惻惻斷斷年不極位孤士幽
歎山盤水交公神是愉窆石鑲詞以奠陰墟

嗚呼我公名德世師區蓋莫罄言伸其私我初見
公某局之側謂爲達尊長揖自攝公字先君曰吾
昔友隨園賦詩二客一叟庚申同舉別面反久懷
然年丈造門致恭自此視我與猶子同深友疏客
譽我惜惜人或貌應公言愈深慙欲起尼口不可
禁於時辛巳壬午之間我初入都翳路顛顛推轂
於泥期居人先躋垤莫振拜公南旋公淚承睫我
悲在顏依斗望京別者四年弔禍商文字萬過千
主試江南撤棘過舍拊竹摩松問屋所價謂終結

太乙舟文 祭文一

鄰同臘共蜡跳跟童甥索扇乘暇憐其幼聰書語
褒借歡留五日朝盤暮卮東田之下潮溝之西逐
蓋追輪詰曲城陴留書滿囊汗走童奚戊子之秋
閩中提學書告期會十月望朔緩舟詠途金山之
焦僧帽對著閣榜松寮屋腳插江開簾捲濤萬馬
過枕海神上潮圍樓大檨葉黃於瓢波水四伏山
聲刁調惠山捨舟泉石蛆蛆杏衫朱魚遊目分寫
別徑過市名園暗通怪花神叢穿透陰蒙慙我騎
危坐笑不從囊某提局命擇幽敞酬答累公我得

恣覽青門別歸問書隨至外孫遠來繼者愛壻於
我廬旅久不自它豈我致然公誠不訛時遭母憂
勵勸莫仗厚恤孤凶非意所望可見京師壬辰之
冬意滿莫敘歲除忽使漸三載返益貌豐文酒
從譙冀無終窮公疾始作醫治不進自意無他屬
我勿返執手於榻爲計深遠思言詞苦危
日我爲文子知我師孰宜去留筆專子持苟念生
平當嚴勿欺我笑慰言此則早計後今廿年事當
見畀我言則然我悲難制公子持我踰閭揮涕子

太乙舟文

祭文二

忍乾愁不我救基公竟永逝嗚予哀哉我歸實難
不歸何依搏搏之天博博之士骨肉以外恩自公
數我今之來凡百靡就豈專毒子見公入樞銜恩
述哀惟其靈佑尙饗梅曾亮

誥授資政大夫禮部左侍郎陳公行狀

曾祖世曾候選州同知 贈資政大夫

祖道乾隆戊辰科進士候選知縣 贈光

祿大夫

父守貽河南陳州府知府 贈資政大夫

公諱用光字碩士又字實思世居江西新城縣陳
州五子公次三七歲喪母魯夫人逢忌日哀感如
成人庶母姚宜人卒喪之如所生事長嫂極恭戒
其因奕廢書卽屏奕具中嘉慶五年順天鄉試舉

太乙舟文 行狀一

八次年成進士改庶吉士散館授編修十九年轉
御史巡視西城以部議仍供職編修道光二年升
司業歷中允庶子翰林院侍講學士詹事府詹事
閣學兼禮部侍郎禮部右侍郎署戶部右侍郎禮
部左侍郎嘗充 日講起居注官 文淵閣直閣
事 國史館文穎館總纂兩爲甲戌乙卯會試同
考官一爲乙卯順天鄉試同考官戊辰河南鄉試
正考官乙酉江南鄉試正考官福建浙江兩省學
政壬辰會試覆試閱卷大臣武會試總裁自幼學

魯進士仕驥爲古文及遊江南師桐城姚學士鼐其詩文遂一以爲學嘗以謂文章之事必合義理考證而後成奮然欲以經術通文章張絕學而說經者自李文貞方侍郎苞以宋元諸儒議論糅合漢儒疏通經旨惟取義合不名專師其間未嘗無望文生義揣合形似之說而扶樹道教于人心治術有所裨益使程朱之學遠而益明其解雖不必盡合于經而不失聖人六經治世之意則固可畧小疵而尊大體棄短取長積義成章治經之道固

太乙舟文 行狀二

如是也後之學者辨漢宋分南北以寔事求是爲本以專門不倍師法爲宗其始亦出于積學好古之士爲之倡而未流浸以加厲言易者首虞翻而黜王弼言春秋者屏杜氏而遵何休至說之出於宋儒者因便抵巇文致大惡詭論驚衆不顧所安而性理道術之談矯之惟恐不甚涉之惟恐其汚相尋逐于小言碎義而不要其統黨同妬真而不平其情安其所習毀所不見終以自蔽此其患未可謂愈于空疎不學者也夫經者羣言之君也治

經而有繼往開來之功扶微起廢之術則君之貴戚大臣也事一君而惟貴戚大臣之言是附不可以爲純臣治經而惟一師之言是從不可謂之正學蓋公生平學術之大旨如此故于毛詩深斥陳氏稽古編而于春秋則自仿東萊讀詩記爲春秋屬詞會義斷手于襄公而未成又取近時人言行可紀者爲衲被錄若干卷自爲詩文集若干卷及商定陳澧集說四書通義未定本常置左右一室中手抄胥錄零章片句纍纍者數十百本暇則過

太乙舟文 行狀三

從賓客詠調棊酒終日無倦容與人交歡然終身後生有文藝未成立者扶植之靡所不盡稱人廣坐薦寵褒賞稱心而談不顧人厚薄然否嘉興王曇涇縣包世臣公爲會試同考官薦其文雖未售人皆以爲能暗中得奇士主試江南上元管同中式公喜曰吾今乃得管生不虛此行常州吳德旋王爲古文公至浙館之幕中爲文必經其商訂乃自信常曰吾文自不及秦侍郎王學博况前人乎謂秦瀛王芑孫也然有問者於文章之淵源雅俗

信深于中矢口不移不以世俗意瞻顧循護蓋公雖天性和易與人無崖岸城府而介然之操不爲詭隨見于文字者亦其一端也公爲御史時甚暫然大軍圍滑縣賊時陳素皆中機要自御史同編修益貧甚端午召客戒曰至日吾啟後門待君客問故笑曰避債客耳人勸其出遊公曰游客非近臣事也無挾焉固徒爲勞有挾焉則不可嘗有貸于友人至則忘之談奕終日而返稍有餘散瞻親友如未嘗貧乏者兄弟貧者歲周之至變產舉債

太乙丹文 行狀四

不輟爲外舅舅氏及師姚學士立祭田千金或數百金同年查訥勸夫婦繼卒無子公娶其女爲子婦而子其幼者擇願侍郎皐之子嫁之故俸祿所入隨手輒盡然未嘗一日愛其貧居官雖久不遷亦無進取意遷官有期喪公固無意往也人間之乃曰吾大悞竟忘往弔由學士驟遷至侍郎上面諭曰我知汝能恬退故特用汝汝非有保舉人也任浙江學政時奏罷宋孫觀之專祠奉祀使事畢適有廢員訂告事卽命公爲 欽差留訊獄成

以道光十五年三月至京 上賜平定西域圖與客敬觀歡笑未三日而病謂從孫溥曰吾生平不足於宋史茲事體大欲創述難矣惟屬詞會義一書先人所遺命幸不死角巾南歸與爾共成之疾革嘆曰 皇上再賞假 恩至矣吾不能勉強支厲副 聖恩命也無如何以八月十三日薨年六十八娶魯夫人四子蘭瑞太學生先卒蘭滋上思州知州蘭第戶部河南司候選郎中蘭豫甘肅高臺縣縣丞孫大煥大慶大其 旨孫曾璋女七人適魯應祜涂慕祁王輔舜王汝誠祁寓藻譚蘭祜曹祓公子蘭第以曾亮年家子弟習其家與文告曰將備史館採擇願有述也遂撰次如右謹狀上元梅曾亮

太乙丹文 行狀五

卷一

論攻滑縣賊摺子

應 詔言事摺子

論營田水利摺子

論令廢員修興水利摺子

論孫觀專祠摺子

卷二

孝子唯巧變故父母安之說

太乙舟文集錄

疑事毋質直而勿有說

大夫士廟無主說

名位篇上

名位篇下

雜說

十五弟彪字說

四子字說

卷三

先考行狀

先母事述

姚先生行狀

齊召南傳

武虛谷家傳

臧和貴傳

李毓昌傳

忻州知州魯公家傳

蔣省齋家傳

費給諫家傳

太乙舟文集錄

馬一齋先生家傳

書許所望
嵇恭人家傳

卷四

記先贈大夫畫像始末 家大人命代作

朱梅崖先生畫像記

自訟室記

重修黎川新館記

習勤書屋記

阮臺記

隱圖記

仁術堂記

勉學堂記

重修江東橋記

山木舅氏祭田記

渭川外舅祭田記

姚姬傳師祭田記

重修謝文節祠正殿記

蜀岡紀遊圖記

太乙舟文錄

浙江學使院題名記

杭州使院范文正公祠記

謝文節祠後記

遊石門洞記

韜光步竹圖記

卷五

復姚先生書

與姚先生書

寄姚先生書

寄姚先生書

寄姚先生書

寄姚先生書

與姚先生書

寄姚先生書

寄姚先生書

寄姚先生書

寄姚先生書

寄姚先生書

太乙舟文錄

東習之

致魯賓之書

復魯賓之書

與魯賓之書

復賓之書

答賓之書

與伯芝書

與伯芝書

與伯芝書

與伯芝書

與伯芝書

與伯芝書

再擬 國史館總裁書

上英煦齋師書

上英煦齋師書

上錢辛楣先生書

上翁學士書

上王侍御書

太乙舟文錄

與秦小峴方伯書

上韓理堂先生書

與張桐岡先生書

與鄧鹿耕書

與劉仲矩書

再與呂禮北書

與管異之書

與梅伯言書

諭汀州諸生

卷六

山木先生周易注序

輔孝二書序

河南耿氏富春軒藏書目錄序

清芬世守錄序

擬虞道園翰林珠玉集序

翠微山紀遊詩序

恩餘堂輯稿序

南池文集序

太乙舟文錄

南池類稿序

惜抱軒尺牘序

法梧門文集序

郭頻伽續刻文稿序

龔海峰文集序

家仰韓兄文集序

白鶴山房詩鈔序

吳蘭雪遊武夷詩序

金源紀事詩序